

ՀՀ ԵՐԻՏԱՍԱՐԴՆԵՐԻ ԱՇԽԱՏԱՆՔԱՅԻՆ ԳԱՂԹ. ՓՈՐՁԱԳԻՏԱԿԱՆ ԸՆԿԵՐԱԲԱՆԱԿԱՆ ՈՒՍՈՒՄՆԱՍԻՐՈՒԹԻՒՆ

ԱՆԴՐԱՆԻԿ ՇԱՀԻՆԵԱՆ
shahinyan_90@mail.ru

ՄՈՒՏՔ

Ներկայ ընկերաբանական ուսումնասիրությունը խարսխում է երիտասարդների աշխատանքային գաղթի հարցի վերաբերեալ որակական հետազոտությունների ու վերլուծությունների վրայ: Հիմնահարցը դիտարկուել է վերջին երեք տարիների (2021-23)¹ սեռով, տարիքով ու ընկերային վիճակի սրացումներով յառաջացած խաարկումներով, աստիճանակարգությունով, գաղթելու տրամադրություն ունեցող երիտասարդների ընտրանքային հետազոտությանը՝ Հայաստանի Հանրապետությունում առկայ գիտական, հասարակական եւ պետական-ոլորտային կառույցների փորձագետ-մասնագետների շրջանում:

Յօդուածի հետազոտութան շրջանակներում քննութան ենք ենթարկել «միգրացիա/գաղթ» եւ «զարգացում»¹ հասկացությունները, մասնաւորապէս երիտասարդների զարգացման գործընթացով պայմանաւորուած, կարելորել երիտասարդների զբաղուածութան հարցերը, որոնք ՀՀ-ի երիտասարդների արտաքին աշխատանքային գաղթի պատճառ են դառնում:

Անդրադարձել ենք նաեւ աշխատանքային գաղթի բացասական ազդեցություններին, ռիսկերին՝ երիտասարդների ինքնիրացման գործընթացում, ինչպէս նաեւ մասնագիտութան ընտրութան ու նպատակակէտ երկրների ընտրութան հարցերին: Դիտարկել ենք նաեւ անվտանգ տեղափոխութան հարցերը՝ նկատի առնելով համապատասխան փորձագետների խորհուրդները՝ հիմնախնդրով զբաղուող կառույցների մասին:

¹ **Միգրացիա.**-(լատիներէն migratio, migro - անցնել, վերաբնակուել, հայերէն՝ գաղթ) բնակչութան, մարդկանց տեղաշարժ՝ մշտական կամ ժամանակաւոր բնակավայրը փոխելու նպատակով: Ընդգրկում է բնակավայրից հեռացողների (էմիգրացիա՝ արտագաղթ) ու եկողների (իմիգրացիա՝ ներգաղթ) խմբերը: Դրանց գումարն արտայայտում է գաղթի ընդհանուր, իսկ տարբերութիւնը՝ զուտ մեծութիւնը): **«Զարգացում»** հասկացութիւնը եւ «միգրացիա»ն, մասնաւորապէս «աշխատանքային միգրացիա»ն, գտնում են սերտ կապերի մէջ: Գաղթի միջոցով տեղի է ունենում քաղաքակրթութիւնների երկխօսութիւն, նոր գիտելիքների, կարողութիւնների եւ հմտութիւնների ձեռքբերում, կրթական աստիճանի բարձրացում, տեղեկատուական արհեստագիտութիւնների տիրապետում, ինչպէս նաեւ գումարների ներհոսք: Ետ վերադառնալով՝ գաղթողները վերոնշեալ հմտութիւնները ներդնում են հայրենիքի **զարգացման եւ շէնացման** գործում:

ՆԵՐԱԾՈՒԹԻՒՆ

Սոյն որակական հետազոտության իրականացման հիմնանպատակն է գաղթի հասկացությունների զարգացումը, ընկերային երեւոյթների որակական երեսակների ըմբռնումը առաւելապէս՝ բնական՝ ոչ-փորձարարական պայմաններում: Հետազոտութեան տուեալների վերլուծութեան գործընթացը միտուած է նշանակութիւնների, գաղթի կենսափորձի եւ մօտեցումների վերհանմանը: Մասնաւոր վերլուծութեան նպատակները տարբերում են՝ ըստ մեր կողմից իրականացուած հետազոտութեան նպատակներից: Վերլուծութիւնը միտուած է գաղթի ենթախորքի հասկացմանը, օրինակ՝ ինչպէ՞ս են տնտեսական, քաղաքական, ընկերային, մշակութային եւ կազմակերպական գործօնները ազդում երիտասարդների աշխատանքային գաղթի երեւոյթի վրայ: Այն ուղղուած է մարդկանց պատկերացումներին, մօտեցումներին, փորձի բացայայտմանն ու խնդիրների հասկացմանը:

Յօդուածի շրջանակում առաջադրուած գիտական վարկածներն էին.-

- 1) Գաղթի դիմող անձանց պատճառները հիմնականում հոգեբանական են՝ պայմանաւորուած յետպատերազմական վախերով եւ բացասական սպասումներով,
- 2) Երիտասարդների զբաղուածութեան հարցերը ՀՀ-ում ունեն կազմակերպական բացթողումներ, որն էլ դառնում է երիտասարդների արտաքին աշխատանքային գաղթի (ԱԱԳ) դիմելու առանցքային պատճառներից մէկը,
- 3) Երիտասարդութիւնը հիմնականում նախընտրում է մեկնել ԱՄՆ եւ եւրոպական երկրներ, քան Ռուսաստանի Դաշնութիւն՝ պայմանաւորուած վերջին շրջանում պատերազմական գործողութիւններով:

Վերլուծութիւնն իրականացրել ենք հիմնուելով մեթոդների միջոցով հաւաքուած տեղեկատուութեան սղագրման վրայ: Այս իմաստով, իրաքանչիւր տուեալ վերածել ենք գրութեան, այնուհետեւ՝ ենթարկել վերլուծութեան: Հարցագրոյցների, նաեւ խմբային ու ընտրովի խմբի քննարկումներից ստացուած ձայնագրութիւնները սղագրել ենք բառ առ բառ, այնուհետեւ սկսել վերլուծութեան գործընթացը:

ՄԵԹՈԴԱԲԱՆՈՒԹԻՒՆ

Ընդհանուր առմամբ, վերլուծական գործընթացը իրականացրել ենք յառաջըրթական/հետեւական (ընդհանուրից մասնաւոր, deductive) եւ մակաձական (մասնաւորից ընդհանուր, inductive) մեթոդներով:

- Ո՞րն է ստացուած տուեալների հիմնական «հաղորդագրութիւնը», տուեալները ի՞նչ են «ասում/պատմում»,

- Ինչպիսի՞ն է հիմնական տեղեկատուների մօտեցումը, ի՞նչ ընկալումներ, դիրքորոշումներ են արտայայտուել,

- Որքանո՞վ է շեշտադրում իրական, առկայ իրավիճակը կամ իդեալական իրավիճակը:

Մենք՝ 1) Սղագրել ենք տուեալները, մաքրել, դասաւորել, ձեւաչափել, տող առ տող համարակալել սղագրութիւնը, 2) Կարդացել ու վերընթերցել ենք բոլոր սղագրութիւնները, ստացուած ամբողջ նիւթը մշակել այնքան, մինչեւ որոշակիացուի վերլուծութեան շրջանակը՝ բացատրական (երբ վերլուծութիւնը պատասխանում է հետազօտական հարցին) կամ հետախուզական (երբ վերլուծութիւնը հնարաւորինս մանրամասն ներկայացնում է ստացուած տուեալները): Այս փուլում վերլուծաբանը ուրուագծում է տուեալների կողաւորման իր յատակագիծը:

Աղիւսակ 1. Փորձագիտական հարցման մասնակիցների տուեալները		
Փորձագէտի անունումը	Կառոյց	Պաշտօն
N1	ՀՀ ԳԱԱ Հնագիտութեան եւ ազգագրութեան ինստիտուտ	Էթնոսոցիոլոգիայի բաժնի վարիչ
N2	ՀՀ (ներքին գործերի նախարարութեան Միգրացիայի եւ քաղաքացիութեան ծառայութիւն, ՆԳՆ ՄԲԾ)	Աշխատանքային միգրացիայի եւ մշտադիտարկման բաժնի պետ
N3	ՀՀ (Վիճակագրական կոմիտէ, ՎԿ)	Շիրակի մարզային վարչութեան պետ
N4	«Առաքելութիւն Հայաստան» բարեգործական հասարակական կազմակերպութիւն ՀԿ	Թիմի ղեկավար, վերահսկիչ (աշխատանքների կազմակերպող, յարաբերութիւնների կարգաւորող, խորհրդատուութիւն տրամադրող մասնագէտ)
N5	«ԿԱԶԱ» շուէյցարական մարդասիրական հիմնադրամ	թէժ գծի պատասխանատու
N6	«Հայկական Կարիտաս» բարեսիրական հասարակական կազմակերպութիւն	գաղթի փորձագէտ, շահերի պաշտպան

ՔՆՆԱՐԿՈՒՄ

Ստորեւ քննուում են «Երիտասարդների աշխատանքային միգրացիայի հարցի շուրջ փորձագիտական սոցիոլոգիական ուսումնասիրութիւն» թեմայով հետազօտութեան արդիւնքները:

Հարց 1.- Ըստ Ձեզ՝ ի՞նչ վիճակում է սեռով, տարիքով ու խաւարկման աստիճանակարգութիւնով պայմանաւորուած գաղթի միտումնաւորութիւնը ՀՀ-ում: Խնդրում ենք ներկայացնել վերջին երեք տարիների տուեալները:

Պատասխան.- Գաղթի միտումնաւորութիւնը սեռով, տարիքով ու խաւարկումների աստիճանակարգութիւնով պայմանաւորուած հարցի առնչութեամբ՝ փորձագէտները շեշտել են, որ ԱԱԳ գործընթացներում ներգրաւուած են

ե՛լ մասնագիտություն ունեցողները, ե՛լ բարձրագույն կրթություն չունեցողները: Ըստ նրանց տեսակետերի՝ բարձրագույն եւ յետբուհական կրթություն ունեցողներից շատ քչերն են ետ վերադառնում (մօտաւորապէս 2 կամ 2,5 տոկոս): Այդ նոյն բարձրագույն եւ յետբուհական կրթություն ունեցող գաղթականները կազմում են մօտաւորապէս գաղթողների 15 տոկոսը: Սեռատարիքային կազմի առումով, սովորաբար երեք խումբ ենք առանձնացնում՝ երիտասարդ (22-33), միջին տարիքի (35-45) եւ աւագ (45-55): ՀՀ-ից մեկնողները հիմնականում միջին տարիքի են, որոնց մէջ գերակշռում է նաեւ երիտասարդութիւնը: Ըստ սեռի՝ հիմնականում տղամարդիկ են մեկնում, մեկնողների մէջ կանայք կազմում են 10 տոկոս:

Փորձագէտները նաեւ նշել էին, որ որպէս աղբիւր պէտք է ընդունել ՀՀ ՎԿԻ եւ որակական հետազօտութիւնների տուեալները, որոնք հիմնականում համադրում են: Ըստ թուաքանակի՝ նախկինում ՀՀ-ից տարեկան (երեք տարուայ ընթացքում՝ 2020, 2021, 2022) 30-40 հազար ԱԱԳ ենք ունեցել: Երբ որ համեմատում ենք գաղթական ասանդոյթներ ունեցող տարածաշրջանների հետ, մասնաւորապէս՝ Գեղարքունիքի, Շիրակի, Լոռու մի հատուածի: Իսկ այժմ դա ընդգրկում է ամբողջ ՀՀ-ն, քանի որ այժմ ՀՀ-ի բոլոր բնակավայրերից են արտագաղթում:

Հարց 2.- Ըստ Ձեզ՝ ի՞նչ կապ կայ «միգրացիա» եւ «գարգացում» հասկացութիւնների միջեւ, մասնաւորապէս երիտասարդների գարգացման գործընթացով պայմանաւորուած:

Փորձագէտների պնդմամբ, ուղիղ կապ կայ «միգրացիա» եւ «գարգացում» հասկացութիւնների միջեւ, քանի որ ԱԱԳերը հիմնականում ձեռք են բերում մասնագիտական նոր գիտելիքներ, նոր հմտութիւններ եւ, իհարկէ, դրամական միջոցներ: ԵՄ երկրներ մեկնող եւ ապաստանի դիմում ներկայացնողների 80%ը կորցնում է իր աշխատելու հմտութիւնը, քանի որ ԵՄ երկրներում ապաստան հայցողները աշխատելու իրաւունք չունեն, եւ որքան երկար է տեւում դիմումի քննութիւնը, այնքան այդ մարդիկ վերածւում են մարդասիրական օգնութիւն ստացողների եւ յետագայում դժուար վերահամարկուողների:

«Միգրացիա» եւ «գարգացում» հասկացութիւնների առնչութեամբ, այլ փորձագէտներ նշում են, որ գաղթողների մասնագիտացում չունեցող խումբը վերադառնալով ՀՀ կրկին առաջացնում է տնտեսական, ընկերային մի շարք խնդիրներ, քանի որ շատերը նախքան մեկնելը վաճառում են բնակարանները, իսկ վերադառնալիս ունենում են կացարանի խնդիր: Այս դէպքում բնակարանների ձեռքբերման, վարձավճարի փոխհատուցման, տեղաւորման, պատշաճեցման, աշխատանքային ծրագրի կազմման եւ հետետողական մշտադիտարկման աշխատանքի իրականացման անհրաժեշտութիւն է առաջանում: Իսկ բարձր որակաւորում, մասնաւորապէս յետբուհական կրթութիւն, ունեցողների պարագայում այլ է դրսեւորումը,

որովհետեւ վերադարձած մարդիկ իրենց հետ բերում են անլի զարգացնող մշակոյթ, իրականացնում են նաեւ ներդրումներ, որ եւ վերադարձի, հայրենիքում հիմնաւորուելու նպատակներից մէկն է: Իսկ նմանատիպ նպատակները (գլխաւորապէս՝ գործարք) հիմնականում իրագործում են: Այդ դէպքերից մէկին առնչուած մի փորձագէտ բերել է մէկ օրինակ, երբ Սիւնիքի մարզում, գիւղատնտեսական բարձրագոյն կրթութեամբ անձը, ժամանակաւոր ԱԱԳից վերադարձել է եւ տեղում յաջողութեամբ օգտագործել մեղուաբուծութեան զարգացման իր հետ բերած նոր մոդէլը եւ արհեստագիտութիւնը: Վերադարձած գաղթականը նախկինում նմանատիպ հմտութիւններ չի ունեցել:

Փորձագէտների կարծիքով, այն երկրները, որտեղ մեկնում են գաղթողները, այդ երկրներում օգտւում են գաղթողների մարդկային աղբիւրներից, հնարաւորութիւններից, որպէս աշխատուի: Այս առումով հարկաւոր է հաշուի առնել ուղեղների արտահոսքի խնդիրը, այն երիտասարդներին, որոնք իրենց ներդրումներն են ունենում այդ երկրների զարգացման գործում: Բնականաբար հարց է ծագում, թէ ի՞նչ են ստանում այն երկրները, որոնք գաղթողներ են ստանում, մասնաւորապէս արտահանող երկրների տնտեսութեան զարգացման առումով: Հիմնականում՝ ընդունած երկրում եղած ժամանակ ձեռք բերած հմտութիւններն են, որոնք վերադառնալուց ներդնում են երկրի տնտեսութեան զարգացման մէջ: ՀՀի պարագայում մի փոքր այլ է, քանի որ ՀՀից գնացողների մեծ մասը զբաղւում է ֆիզիկական աշխատանքով. արհեստաւորներ են, գիւղատնտեսութեան ոլորտով զբաղւողներ: Գաղթի այս խնդիրը որակական զարգացման չի բերում, այլ ընկերային վարընթաց շարժունութեան է տանում, քանի որ նրանց մէջ լինում են նաեւ բարձր որակաւորում ունեցողներ, որոնք եւս ցածր որակաւորում պահանջող աշխատանք են անում: Գաղթ եւ զարգացում խնդիրը ՀՀի պարագայում դեռ ամբողջական զարգացում չի ապահովում:

Հարց 3.- *Ինչպէ՞ս է իրականացւում ՀՀ աշխատուժի ներքին եւ արտաքին տեղաշարժերի կարգաւորման միասնական պետական քաղաքականութիւնը:*

Մեր փորձագէտները նշեցին, որ ՀՀ պետական քաղաքականութեան ոլորտում եւս դրական տեղաշարժ է նկատւում, քանի որ մասնաւոր ոլորտների հետ պետութիւնն առաւել սերտ հաղորդակցութիւն է սկսել ցուցաբերել: Դրանք վերաբերում են ե՛ւ աջակցութիւնների տրամադրմանը, ե՛ւ ծառայութիւնների մատուցմանը: Իրականացուող գործակցութիւնները նախկինում երբեւէ այս չափերի չէին հասել: Դրանք միտում ունեն ծառայութիւնների եւ աջակցութիւնների վերածածկոյթի բացառման, ինչպէս նաեւ պետական եւ հասարակական ոլորտներում աշխատատեղերի հետ կապուած մասնագիտական կողմնորոշման, վերապատրաստումների եւ

նոր մասնագիտությունների ձեռք բերման: Մասնագիտացման դասընթացները, որոնք ՀԿներն են կազմակերպում պետական ոլորտում, փորձում ենք փոխարինել այլ մասնագիտացումների դասընթացներով, որոնք արդիւնավետ են լինում:

Համաձայն փորձագետների **միասնական տեսակետի՝** ԱԱԳի վերաբերեալ դեռեւս չկայ յատուկ օրէնսդրական դաշտ, այսինքն՝ չկայ օրէնք, որը կարող է կարգաւորել այդ խնդիրը: Այս առումով ՀՀն ունի պայմանագրեր որոշակի երկրների հետ՝ գաղթի հարցերի կարգաւորման համար (ընդունելու, վերադարձի): Հիմնականում ՌԴի հետ է, որ պայմանագրեր կան, երբ գործատուն կարող է ընդունել, որոշակի հարցեր քննարկել, առցանց հարթակում էլ է հնարաւոր գրանցուել գործատուի մօտ, այնուհետեւ որոշակի ընթացակարգեր անցնել, յետոյ նոր անցնել աշխատանքի: Բայց ընդհանուր առմամբ ՀՀ արտաքին եւ ներքին գաղթի քաղաքականութեան վերաբերեալ մշակուած ամբողջական հայեցակարգ դեռեւս չկայ: Իսկ այսօր բոլոր ներքին գործընթացները մարզերից դէպի Երեւան կամ միւս կենտրոններ, տեղի են ունենում բոլորն թափով:

Հարց 4.- *«Միջազգային ինչպիսի՞ պայմանագրեր են կնքուել եւ կնքոււմ են արտագնայ աշխատանքների կազմակերպման, ինչպէս նաեւ աշխատանքային գաղթողների շահերի պաշտպանութեան հարցերով»:*

Այս հարցին պատասխանել են, որ ամենամեծ թուով գաղթողներին առնչուող պայմանագիրը ԵԱՏՄ պայմանագիրն է, որը վերաբերում է բացառապէս անդամ երկրների աշխատանքային գաղթողներին եւ նրանց ընտանիքի անդամներին: Չնայած որ ՌԴ գաղթի օրէնսդրութեան խստացումները, որոնք վերաբերում են նաեւ ԵԱՏՄ անդամ երկրների քաղաքացիներին, ԵԱՏՄ պայմանագիրը որոշակիօրէն խախտում են, բայց դա ռուսներին չի խանգարում: Յաջորդը 2018 Փետրուարի 12ին ՀՀի եւ Բուլղարիայի միջեւ կնքուած «Համաձայնագիր Հայաստանի Հանրապետութեան եւ Բուլղարիայի Հանրապետութեան միջեւ աշխատանքային միգրացիայի կանոնակարգման մասին» համաձայնագիրն է, որը, սակայն, առայժմ չի գործում: 2023ին աշխատանքային գաղթի համաձայնագիր է ստորագրուել ԱՄԷի հետ, որը դեռեւս չի վաւերացուել: Փորձագետները որպէս նշում հարցին պատասխան ասում են նաեւ, որ դաշտում կան պայմանագրեր, մասնաւորապէս Եւրոպա արտագաղթած ՀՀ այն քաղաքացիների հետ, որոնք այնտեղ ապրում եւ աշխատում են՝ ունենալով աշխատելու օրինական իրաւունք: Բացի դրանից՝ նաեւ տուեալ եւրոպական երկիրը ՀՀ վերադառնալու պարագայում որոշակի գումար է տրամադրում այստեղ ներդրում իրականացնելու համար, որը վերաբերում է ոչ միայն մէկ անձի, այլ նաեւ նրա ընտանիքի անդամներին: Այդպիսի հնարաւորութիւն կայ նաեւ ԱՊՀ երկրների պարագայում, եթէ հարազատը սերտ ազգակցական կապ ունի:

Շահերի պաշտպանության հարցերով միջանի երկրներ կան, այդ թում եւ ՌԴ-ն. առողջապահական հարցերով որոշակի ապահովագրութիւն կարող են տրամադրել գաղթողներին, ինչպէս նաեւ կարգաւորել գրանցման եւ այլ հարցեր: Սակայն աշխատանքը աշխատանքային ստաժ համարում է, թէ ոչ՝ յայտնի չէ: Այն մի ժամանակ քննարկում էր, սակայն փորձագէտները յստակ տեղեկութիւն չեն հաղորդում:

Հարց 5.- *Ըստ Ձեզ՝ ինչքանով են կազմակերպուած երիտասարդների զբաղուածութեան հարցերը, որոնք պատճառ են դառնում ՀՀ-ից երիտասարդների արտաքին աշխատանքային գաղթի դիմելուն:*

Փորձագէտները երիտասարդների զբաղուածութեան խնդիրը համարեցին ամենալուրջը, քանի որ ՀՀ-ում գործազուրկների ճնշող մեծամասնութիւնը երիտասարդներն են: Դպրոցը եւ բուհը աւարտելուց յետոյ յատկապէս գիւղական բնակավայրերի երիտասարդների շրջանում ձեւաւորում են աշխատանքային գաղթի մեկնելու դրդապատճառները, մանաւանդ որ նրանք ՀՀ-ում աշխատուժի իրացման այլ ոլորտներ չեն տեսնում: Այստեղ խնդիրն այլ է. փորձագէտներից մէկը անդրադարձաւ ունեզրկութեան տեսութեանը, մասնաւորապէս նշեց, որ օրինակուող խմբերի խնդիրներ կան, որտեղ մէկը տեսնում է, որ իրենց բնակավայրից որոշ մարդիկ բռնել են աշխատանքային գաղթի ուղին, եւ դրսից գումարի որոշակի փոխանցումներ են կատարում, այդ ընտանիքի կենցաղային վիճակը որոշակիօրէն սկսում է լաւանալ, ինքնաշարժ են գնում, բնակարան են կառուցում, վերանորոգում: Այս օրինակուող խմբերի վարքագիծը սկսում է ազդել մնացածի վրայ եւ նրանց մօտ ձեւաւորում են աշխատանքային գաղթի դրդապատճառ: Բացի այս ամէնից՝ գաղթը երիտասարդների մօտ կարգավիճակի փոփոխութեան խնդիր է առաջացնում: Աշխատանքային գաղթի մեկնելը, յատկապէս բանակից յետոյ, դարձել է անցումային ձեւի նման բան. յատկապէս ծնողներից անկախ լինելը, առանձին ապրելը, այնուհետեւ սեռային որոշակի խնդիրներ լուծելը: Երիտասարդը, որը տանը երբեք ճաշ չի պատրաստել կամ սենեակը չի մաքրել ու յարդարել, գաղթի վայրում ստիպուած է այդ բոլորն անել, ասել է թէ՛ որոշակի նոր դերեր է վերցնում իր վրայ: Այսպիսով, տուեալ երիտասարդը դառնում է կերակրող ձեռք, աշխատանքային գաղթի մեկնելուց մէկ-երկու տարի յետոյ ընտանիքի ընկերային վիճակը սկսում է բարելաւուել: Համայնքը արդէն այդ անձին վերաբերում է որպէս հասուն եւ ընտանիք պահող մարդու: Համայնքի համար աշխատանքային գաղթն ընկալում է որպէս հասունացման կարեւոր պայմաններից մէկը: Տեղի է ունենում փորձի եւ գիտելիքների ձեռքբերում, ճաշակի փոփոխութիւն են.:

Հարց 6.- *Աշխատանքային գաղթի առաջացրած բացասական ազդեցութիւնների եւ դիսկերի առնչութեամբ, փորձագէտները նշեցին, որ այդ խնդիրները եւ դիսկերը հիմնականում մասնագիտական աճին խոչընդո-*

տող երեւոյթներն են, քանի որ արտագնայ աշխատանքի մեկնած քաղաքացին առաջին հերթին հացի խնդիրը լուծելու մասին է մտածում եւ ւաւելի քիչ հնարաւորութիւն է ունենում մասնագիտական աճի, անձի զարգացման: Ինքնադրսեւորուելու հնարաւորութիւնները ւաւելի քիչ են լինում: Մեզ յայտնի է, որ երիտասարդների մասնագիտական կրթութիւն ունենալու դէպքում այդ խնդիրը եւս առկայ է: Շատ յաճախ երիտասարդը ընտրում է ոչ այնքան մասնագիտական աշխատանքի հնարաւորութիւնը, քանի որ երկրորդ տարբերակը ւաւելի մեծ հնարաւորութիւններ է ընձեռում: Արտերկրում եւ ՀՀ-ում այդ մօտեցումները նոյնն են:

Որպէս ԱԱԳի բացասական ազդեցութիւն, փորձագէտներից մէկը նշեց, որ այն երբեմն բերում է ամուսնութեան տարիքի բարձրացմանը, որովհետեւ, ըստ հետազօտութիւնների, երիտասարդները, աշխատանքային գաղթի դիմելով, իրենց առջեւ նպատակներ են դնում. «Այս անգամ գնամ, կը գամ բնակարանը կը վերանորոգեմ, յետոյ նոր կ'ամուսնանամ»: Այսպէս շարունակ գնում են, ապա վերադառնում եւ այլ խնդիրներ են լուծում: Իսկ այս շարունակական գործընթացը յանգեցնում է ամուսնութեան տարիքի բարձրացմանը: Բացի սրանից՝ երիտասարդ ընտանիքների վրայ այն բացասական է ազդում քանի որ ընտանիքը ազգագրական եւ ընկերային շղթայական փուլերից կազմուած մի ամբողջութիւն է, որը սկսում է ծանօթութիւնից, այնուհետեւ՝ ամուսնութիւն, երեխաներ...: Ըստ նոյն փորձագէտի հետազօտութիւններից մէկի՝ վերցրել են երկու խումբ ընտանիքներ՝ գաղթածներ եւ ընկերային կայունութեան խնդիրներ չունեցող ընտանիքներ եւ այնպիսիք, որոնք ունէին ԱԱԳ-եր, որտեղ փորձ են արել հասկանալ ընտանիքների կայունութեան եւ ռիսկերի խնդիրը: Այդ հետազօտութիւնը ցոյց է տուել, որ գաղթողների մօտ 10 տոկոսը ամուսնութիւնից մէկ-երկու ամիս յետոյ դիմում է ԱԱԳի, որը ամուսինների պատշաճեցման հետ կապուած որոշակի խնդիրներ է առաջացնում: Դէպքեր են եղել, երբ երեխան ծնուել է գաղթած ծնողի բացակայութեան: Բազմաթիւ նման խնդիրներ կան, որոնք իրենց ազդեցութիւնն են թողնում ընտանիքի վրայ:

Այս ամէնից բացի՝ գաղտնիք չէ, որ երիտասարդները սեռահասունութեան հետ կապուած փորձը եւ հմտութիւնները ձեռք են բերում դրսում: Սա եւս որոշակի ռիսկեր է պարունակում այն առումով, որ ձեռք են բերում որոշակի հիւանդութիւններ, որոնք բաւականին տարածուած են: Այնուհետեւ հիւանդութիւնների որոշ մասը նոյնիսկ սկսում է տարածուել ընտանիքում եւ ողջ ՀՀ-ում:

Հարց 7.- Ըստ Ձեզ՝ երիտասարդութեան զարգացման գործընթացում ւաւելի շար դրական, թէ՞ բացասական ազդեցութիւն է գործում աշխատանքային միգրացիան:

Այս հարցին ԱԱԳ փորձագետները պայմանաւորել են առաջին հերթին երիտասարդի անհատական առանձնայատկութիւններով: Հնարաւոր է, որ փորձի փոխանակման տեսանկիւնից բաւականին դրական է, սակայն ԱԱԳն որոշապէս ՀՀի տեսանկիւնից ունի մի շարք բացասական հետեւանքներ՝ անվտանգային, ժողովրդագրական են.: Իսկ արտերկրում որոշակի գիտելիքներ եւ փորձառութիւն ձեռք բերած երիտասարդները շատ դէպքերում հրաժարուում են այդ փորձով այստեղ կիսուել, վերադառնալ եւ այստեղ շարունակել իրենց մասնագիտական գործունէութիւնը: Մնացած շատ մեծ եւ նկատելի հատուածը հազիւ է կարողանում տնտեսական եւ անձնային որոշակի կայունացման հասնել:

Այնուամենայնիւ գաղթն ունենում է որոշակի բարեբեր ազդեցութիւն եւս, որովհետեւ գաղթածները կարողանում են յաղթահարել մեկուսացուածութիւնը եւ դուրս են գալիս մէկ ուրիշ այլազգային տարածք, այնտեղ ձեռք են բերում որոշակի նոր փորձառութիւն, նոր արժէքներ, վարուելակերպի նոր ձեւեր: Երբեմն այս դրական փոփոխութիւնները գաղթածը բերում է իր համայնք: Բազմաթիւ են օրինակները, մասնաւորապէս երիտասարդների պարագայում, երբ այնտեղ արտաքին տեսքին այնքան էլ ուշադրութիւն չեն դարձրել, բայց երբ վերադարձել են ՀՀ, գաղթածները նշել են, որ սափրուելը, օծանելիք օգտագործելը, աւելի պատշաճ տեսքով հանրութեանը ներկայանալը դարձել են սովորութիւն:

Հարց 8.- Փորձագետները երիտասարդների ՀՀում բարձր վարձատրութեամբ աշխատանք գտնելու առումով նշել են, որ արտերկրից եւ եւրոպայից վերադարձած երիտասարդները ունենում են լեզուի բարձր իմացութիւն: Հիմնականում ծրագրաւորման ոլորտում միքանի փոքր դասընթացներ անցնելով հեշտութեամբ մուտք են գործում այդ ոլորտ: Ի տարբերութիւն այն երիտասարդների, որոնք այստեղ յենքային լուրջ կրթութիւն են ստացել, սակայն լեզուի բարձր իմացութիւնը այնուամենայնիւ դառնում է առաջնահերթութիւն եւ միքանի քայլ առաջ է բերում տուեալ անձանց: Եթէ գնացած անձը հիմնականում հայաբնակ տարածաշրջանում է տեղակայուել եւ ոչ-մասնագիտական որեւէ բանով զբաղուել, տաքսի է վարել, մաքրման, կանաչապատման աշխատանքներում է ներգրաւուած եղել, լեզուի կատարելագործման չի հասել, վերադառնալուց յետոյ մրցունակութեան տեսանկիւնից հաւասար է - եթէ ոչ աւելի ցածր - տեղի բնակիչների հետ յարաբերակցութեամբ:

Հարց 9.- «Մասնագիտութեան ընտրութիւնն արդեօ՞ք կարող է պատճառ հանդիսանալ երիտասարդների աշխատանքային գաղթի դիմելուն»:

Այս հարցին ի պատասխան՝ փորձագետները նշել են, որ կան նման մասնագիտութիւններ, որոնք, ճիշտ է, որակի տեսանկիւնից բարձր են, սակայն ՀՀում ժամանակավրէպ են համարում, ուստի թողնում հեռանում են: Մարդասիրական բնոյթի մասնագիտութիւններ են հիմնականում՝ հո-

գեբաններ, ընկերային աշխատողներ, ընկերաբաններ, իրաւաբաններ, այդ թւում նաեւ ծրագրաւորողներ, որոնք դրսում առաւել բարձր են վարձատրուում անգամ ժամավճարային հիմունքներով, քան այստեղ բարձր ծանրաբեռնութեամբ ու ոչ-ճկուն ժամանակացոյցով աշխատելու դէպքում: Կան դէպքեր, երբ ծրագրաւորողը վերադառնում է, սակայն առցանց հիմունքներով զուգահեռ աշխատում է արտերկրում, որի դիմաց մեծ գումարներ է վաստակում՝ ելնելով այնտեղի ազատ ժամանակացոյցի ստեղծած հնարաւորութիւններից:

ԱԱԳերի մէջ շատ քիչ են նրանք, ովքեր բարձր որակաւորում ունեցող մասնագէտներ են: Մասնագիտութեան ընտրութեան հարցն ամենայն հաւանականութեամբ առաւելապէս առնչուում է տեղեկատուական արհեստագիտութիւններին, որովհետեւ վերջիններիս զարգացումը ՀՀ-ում բաւականին լաւ հիմքերի վրայ է դրուած, եւ այստեղ աշխատավարձի խնդիրն է, որը հնարաւորութիւն է ընձեռում, որ գնան եւ դրսում աւելի բարձր վարձատրուող աշխատանք գտնեն:

Հարց 10.- Մերօրեայ երիտասարդներն ինչպիսի՞ երկրներ են առաւել նախընտրում արտագաղթել, ո՞րն է հիմնական դրդապատճառը...

Մերօրեայ երիտասարդների համար ամենանախընտրելի երկիրը, ըստ փորձագէտների, ԱՄՆն է, դրանից յետոյ եւրոպական երկրներն են եւ վերջում նոր, ի տարբերութիւն վերջին տարիների, ՌԴ-ն: Աւելի քիչ են ցանկութիւն յայտնում ներկայիս ՌԴ գնալ հենց երիտասարդները:

Փորձագէտներից երկուսն էլ նշել են, որ իրենք այդ առումով յատուկ հետազոտութիւն չեն իրականացրել, ուստի չեն կարող ամբողջական պատասխան տալ, սակայն նշել են, որ ՀՀ-ից հիմնական գաղթածների 50 տոկոսը ուղեւորում է ՌԴ, ապա յաջորդում են եւրոպական երկրները եւ ԱՄՆը: Քանի որ լեզուական, սահմանների հատման, գաղթային պայմանների առումներով ՌԴ-ն աւելի մատչելի է, ուստի գաղթողների հիմնական մասը մեկնում է այնտեղ:

Հարց 11.- Ընկերայնացման գործընթացի հիմնական բարդութիւնների խնդիր:

Այս մասին խօսելով՝ փորձագէտները նշեցին, որ առաջնայինը տնտեսական խնդիրներն են: Յատկապէս փախստականների կարգավիճակով գնացածները՝ ճամբարների բնակչութեան հետ ունեցած խնդիրները, դժուարութիւնները շատ դէպքերում չլուծած ետ են վերադառնում: Դրանք շատ յաճախ կարող են լինել ամենաառաջնահերթ կենցաղային հարցերի ապահովման, բնակարանի վարձը տալու հետ կապուած խնդիրներ, այլեւ այնտեղի աշխատաշուկայում մրցունակ չլինելու կամ այստեղից միջանի աստիճան ցածր աշխատանք գտնելու փաստով պայմանաւորուած, որը ընդվզեցնում է մեկնած երիտասարդին, քանի որ նա գնում է աւելի բարձր

ակնկալիքներով, բայց սովորաբար անելի ցածր աստիճանից է ստիպուած լինում մեկնարկել իր գործունեութիւնը, քան մեկնարկում էր իր բնօրրանում:

Փորձագէտներից մէկն էլ յարմարման գործընթացի առումով նշեց, որ ըստ 2021ի մի հետազոտութեան (որի թեման է եղել «Յետխորհրդային Հայաստանի բնակչութեան արտագաղթը գաղթային ցանցի ենթախորքում») յստակեցուել է, որ ընկերային ցանցերը բաւականին լաւ ընկերային աղբիւր են, ազդում են մասնաւորապէս աշխատանք գտնելու, բնակարան վարձակալելու հարցերում: Բայց ամէն դէպքում գաղթածները խնդիրներ ունենում են յատկապէս մշակութային պատշաճեցման առումով, որովհետեւ արժէքային համակարգի փոփոխման, լեզուական, կենցաղային եւ այլ խնդիրներ են առաջանում: Այստեղ հարկաւոր է հաշուի առնել այն, որ, օրինակ, գաղթածների պատշաճեցումը ՌԴ-ում հատուածային բնոյթ է կրում (կարող է լինել մշակութային, ընկերային կամ հաղորդակցման՝ նոր հմտութիւնների), քանի որ նրանք անդրազգային գաղթածներ են, այսինքն՝ նրանք միաժամանակ ե՛ւ նախկին հասարակութիւնում են (ծագման երկրի հասարակութիւն), ե՛ւ միաժամանակ նոր՝ ընդունող հասարակութիւնում են:

Հարց 12.- *«Ի՞նչ աղակութիւններ են հարկաւոր երիտասարդին գաղթի դիմելու համար, եւ ի՞նչ աղակութիւններով է երիտասարդը վերադառնում մեկնման երկրից, որոնք օգտագործում է ՀՀ-ում ու հարազատ մարզում»:*

Այս հարցին ի պատասխան՝ փորձագէտներից մէկը նշեց, որ այդ դաշտը համեմատաբար կանոնակարգուած է ՀՀ-ում. երիտասարդները մեկնում են ուսումնական ծրագրերով կամ աշխատանքային պայմանագրերով միջպետական պայմանաւորութեամբ, այսինքն՝ ոչ թէ անձի մակարդակով է տեղի ունենում, այլ կառավարութեան: Այս դէպքում համատարած վերադառնում են եւ վերադարձի դէպքում կարողանում են անելի մրցունակ լինել աշխատաշուկայում եւ շատ անելի հեշտօրէն են կարողանում իրենց կայացնել: Ամենակարեւոր ու դրական արդիւնքը հենց այն է, որ գնալու ցանկութիւն այլեւս չեն ունենում: Պատճառը ոչ թէ այն է, որ այնտեղ նրանց լաւ չեն վերաբերուել, այլ այն, որ վերադարձից յետոյ այստեղ առաւել լայն հնարաւորութիւններ են բացում նրանց առաջ: Նրանք հիմնականում արհեստաւորական մասնագիտութիւնների տէր մարդիկ են, բայց որոշակի մասն էլ ընդհանրապէս մասնագիտութիւն չունի, ուղղակի սեւագործ աշխատանք կատարելու համար են գնում: Արհեստաւորական ոլորտի հետ կապուած որոշակի հմտութիւններ են նրանք ձեռք բերում, բայց երբ վերադառնում են, դրանց կիրառութեան շրջանակները շատ փոքր են՝ ընտանիք, համայնք: Լինում են նաեւ յաջողակներ, որոնք որոշակի գումարներ են զուգահեռաբար վաստակում՝ այստեղ իրենց

մասնագիտությամբ փոքր *բիզնեսներ* ստեղծելով կամ արհեստանոցներ բացելով, որոնք, ըստ հետազոտողների, շատ չեն, միքանի դեպքեր են:

Հարց 13.- «Աղջի՛կ, թե՛ փոքր երիտասարդներն են առաել շար արտագաղթում»:

Այս հարցադրմանը փորձագետները պատասխանել են, որ տղայ արտագաղթողների թիւը շատ աւելի մեծ է, քան աղջիկներինը: Սա ՀՀում պայմանաւորուած է ոչ միայն ընկերային կամ տնտեսական, այլեւ անվտանգային հարցերով, ծառայութիւնից խուսափելու փաստով: Պէտք է նշել, որ ծառայութիւնը վերջացրած քաղաքացիների առջեւ եւս ծառացել է նորից գորակոչուելու հարց: Աղջիկների պարագայում տարածուածութիւնը 30ից բարձր տարիքային խմբում է: Բուին աւարտած աղջիկները միտում ունեն իրենց այստեղ կայացնելու, իսկ երեսունն անց կանայք միտում են տեղափոխուելու կա՛մ ընտանիքի վերամիաւորման, կա՛մ խնամքի կազմակերպման ոլորտում ներգրաւման համար: Դրանք երեխաների խնամքի կազմակերպումն են, տարեցների խնամքի կազմակերպման հարցերը, տնային տնտեսութիւններում աշխատելու հնարաւորութիւնները: Լինում են դէպքեր, երբ ՀՀից նմանատիպ աշխատանքների գնում են նաեւ աւելի վաղ գնացած եւ որոշակի կայացուածութեան հասած ընտանիքներում աշխատելու:

ՀՀից արտագաղթելու դէպքում, բացի աշխատատեղերի բացակայութիւնից, ցածր աշխատավարձից, կան նաեւ սպասելիքների, մասնաւորապէս ինքնակայացման առնչուած խնդիրներ, որոնք ծննդավայրում տեղի չեն ունեցել, ուստի մտածում են, որ կարելի է դրսում լուծել: Բացի դրանից՝ տղաների զինուորական ծառայութեան խնդիրն է բարձրացում, ուստի եւ մինչ այդ տարիքը մեկնում են: Աղջիկների պարագայում առհասարակ կրթական կամ ամուսնական գաղթ է: Կրթական գաղթն աղջիկների համար յարմար խողովակ է՝ յետագայում արտերկրում հաստատուելու: Աղջիկների համար կայ նաեւ ընտանիքի վերամիաւորման խնդիր: Այսպիսով, աղջիկները կա՛մ մեկնում են որպէս ընտանիքի անդամ, կա՛մ ուսում ստանալու նպատակով: Գաղթի հոսքերի մէջ աշխատելու մեկնող երիտասարդ աղջիկների թիւը թերեւս չի գերազանցի 5-7%ը: Նրանք մեծ մասամբ մեկնում են հարազատների կամ բարեկամների մօտ աշխատելու:

Հարց 14.- «Արդե՛ք կապ ունի ՀՀում փորող պարերազմական իրավիճակը երիտասարդների աշխատանքային գաղթի դիմելու առումով»:

Այս հարցին՝ փորձագետները նշեցին, որ միանշանակ կապ կայ, եւ հենց դրանով է պայմանաւորուած նախկինում ՌԴ, իսկ այժմ ԱՄՆ եւ եւրոպական երկրներ մեկնելու փաստը: Վերջերս բախուել ենք նմանատիպ խնդիրների, երբ այստեղի ընտանիքները, զինուորական ծառայութիւնից խուսափելու համար, այնտեղ կարգավիճակ էին ձեռք բերել, նորից ետ են եկել ու այստեղ նոր կարգավիճակ ձեռք բերելու հարցեր են

փորձում կարգաւորել: Այդպիսի ընտանիքներում ոչ միայն զինուորական տարիքի երիտասարդները նման միտում ունեն, այլև ողջ ընտանիքն է հակուած գաղթի:

Փորձագէտները այս առնչութեամբ միանշանակօրէն ընդգծեցին, որ ՀՀ-ում տիրող պատերազմական իրավիճակը երիտասարդների աշխատանքային գաղթի դիմելու առումով իհարկէ կապ ունի: Փորձագէտներից մէկը նշեց, որ բազմաթիւ են դէպքերը, երբ հենց այդ պատճառով են դիմում գաղթի: Կայ նաեւ հակառակ երեւոյթը, երբ վերադառնում են յատկապէս իրենց սահմանամերձ բնակավայրը պաշտպանելու: Պատերազմական իրավիճակը իրապէս ազդում է, սակայն ունի երկու դրսեւորում, երբ մի խումբը մնում է, չի մեկնում: Կան դէպքեր, որ մարդիկ ուղղակի պատերազմից խուսափելու համար փորձում են մեկնել արտերկիր՝ իրենց ընտանիքները եւս հանելով այդ իրավիճակից:

Հարց 15.- *«Արդեօ՞ք երիտասարդները աշխատանքային գաղթի դիմում են բանակում ծառայելուց խուսափելու պատճառով, թէ՞ գաղթի դիմում են ծառայութիւնից զօրացրուելուց յետոյ»:*

Այս հարցին՝ փորձագէտների կողմից հնչել է հետեւեալ պատասխանը. մինչեւ վերջին տարիները ՀՀ-ից մեկնող երիտասարդները մեկնում էին հիմնականում ծառայութիւնից յետոյ, վերջին ժամանակներում դա տեղի է ունենում շատ աւելի վաղ: Սակայն պէտք է նշել, որ դա ոչ միշտ է յաջողւում, քանի որ 14 տարին լրացած լինելու պարագայում արտերկիր մեկնելու դէպքում պետութիւնը օրէնսդրական խնդիրներ է ստեղծում: Այսպիսով, ցանկութիւնը՝ մինչեւ զինուորական ծառայութիւնը աւելի մեծ է, սակայն իրականում իրողութիւնը ծառայութիւնն աւարտած լինելու դէպքում աւելի իրատեսական ու մեծ է:

Հարց 16.- *ՀՀ-ից արտաքին աշխատանքային գաղթի դիմելու դիսկեր:*

Այս մասին՝ փորձագէտներից մէկը նշեց, որ 21րդ դարում ամենամեծ աղբիւրը մարդկային ներուժն է, եւ արտագաղթելը պետական տեսանկիւնից լուրջ անվտանգային ու ժողովրդագրական խնդիրներ է առաջացնում:

Անձնային տեսանկիւնից առաջնային դիսկերը վերաբերում են աղջիկներին, մեծանում է մարդու շահարկման (trafficking) վտանգը, մասնաւորապէս նրանց պարագայում, որոնք մեկնում են ամուսնական կարգավիճակ չունենալով: Հիմնականում արաբական երկրներ տեղափոխուած կանայք են, ապա նաեւ՝ Թուրքիա, Միացեալ Արաբական Էմիրութիւններ, Եգիպտոս:

Նշուեց, որ դիսկերը բազմաթիւ են, այն էլ լուրջ ժողովրդագրական խնդիրներ առաջացնող: Առաջինը այն է, որ մարդկային աղբիւրները ՀՀ-ի համար շատ կարեւոր են, որովհետեւ այդ ներուժը լուծելու է սահմանամերձ բնակավայրերի խնդիրը: Երկրորդը տնտեսական խնդիրն է, երբ

շատ համայնքներ գրկում են երիտասարդ, աշխատունակ տարիքի բնակչությունից, ուստի եւ ընկերային ծրագրերի իրականացումը դառնում է չափազանց բարդ: Երբ ուզում ես ինչ-որ գործ նախաձեռնել, տեսնում ես, որ այդ ներուժը՝ երիտասարդությունը, որի շնորհիւ միայն հնարաւոր է այդ ծրագիրը կենսի կոչել, գտնում է արտերկրում: Ճիշտ է, արտասահմանից գումարների փոխանցումը որոշակիօրէն նպաստում է, որ ՀՀ-ում աղքատութեան խնդիրը մեղմացուի, բայց նաեւ ընկերային առումով այդ սեռատարիքային կազմի միջեւ որոշակի խզումներ է առաջացնում:

Հարց 17.- «Որո՞նք են այն կառոյցները, որ խորհուրդ էք տալիս դիմել գաղթի միտքով ունեցող քաղաքացիներին, որպէսզի տեղափոխութիւնը առաւել անվտանգ կազմակերպուի»:

Այս հարցին՝ փորձագէտները պատասխանել են այսպէս. ՀՀ-ում հիմնական այդպիսի գործունէութիւն ծաւալողը «Ամբոր Հայաստան» բարեգործական հիմնադրամն է, որը միջազգային ֆինանսաւորում ունեցող հասարակական կառոյց է: Այն մարդու չարաշահման ռիսկերի կանխարգելման ուղղութեամբ բաւականին լայնածաւալ աշխատանքներ է իրականացնում ոչ միայն գնացող, այլեւ այնտեղից վերադառնալու ցանկութիւն ունեցող քաղաքացիների հետ, ովքեր այնտեղ արդէն իսկ ենթարկուել են չարաշահման:

Փորձագէտները անվտանգ տեղափոխութիւնների կազմակերպման վերաբերեալ նշեցին նաեւ, որ հիմնականում ներքին գործերի նախարարութեան ստորաբաժանում համարուող *Միգրացիոն կոմիտէ*-ից քաղաքացին կարող է ստանալ տեղեկատուութիւն՝ ինչպէս մեկնել աշխատանքային գաղթի, ո՞ր երկրում գաղթի ի՞նչ պայմաններ են գործում, սահմանը հատելու ժամանակ ի՞նչ պէտք է անել: Նաեւ նշուեց, որ կան հասարակական կազմակերպութիւններ, որոնք նոյնպէս զբաղւում են այդ հարցերով եւ կարող են աջակցել նմանատիպ հարցերում:

ԵԶՐԱԿԱՅՈՒԹԻՒՆ

Վերլուծելով յօդուածի շրջանակում իրականացուած հետազօտութեան արդիւնքները, առաջարկում ենք բարձրացնել կրթական մակարդակը, քանի որ անձնային դաշտի ռիսկերով է պայմանաւորուած ե՛ւ չարաշահման ենթարկուելը, ե՛ւ պետական շահերը վնասելով արտագաղթելը, ե՛ւ անձնային մակարդակում վնասներ կրելը: Դրանք հիմնականում ցածր կրթական մակարդակ ունենալու եւ իրազեկուածութեան ցածր մակարդակի հետ են կապուած, քանի որ ՀՀ դպրոցներում նման աշխատանք չի իրականացում, թէ՛ ո՞ր պարագայում եւ ի՞նչպէս է պէտք արտագաղթի երեւոյթին մօտենալ: Որոշապէս չարաշահման յաճախ ենթարկւում են անչափահասները, որոնք, ընկերային խնդիրների բերմամբ, ընդունում են ե՛ւ իրենց անձին, ե՛ւ պետութեանը վնաս հասցնող առաջարկներ:

Առաջարկում ենք նաեւ, որ պետութեան կողմից նշանակուի լիազօր մարմին, որ զբաղուի աշխատանքային գաղթաձեւերով, նրանց խնդիրներով, իրազեկմամբ, իրաւունքների, շահերի պաշտպանութեամբ եւ այլ հարցերով, որպէսզի աշխատանքային գաղթը պետութեան կողմից կառավարելի եւ վերահսկելի լինի:

Առաջարկում ենք նաեւ աշխատանքային գաղթի առումով պայմանագրեր կնքել ՌԴ-ից տարբեր այլ երկրների հետ եւս, եւ եղանակային գաղթի գրեթէ 100% կախուածութիւնը ՌԴ-ից նուազեցնել: Սա միայն կը նպաստի ՀՀ-ից երկարաժամկէտ եւ մշտական գաղթի կրճատմանը, գաղթաձեւերն աւելի պաշտպանուած կը լինեն եւ ՀՀ մտնող դրամական հոսքերը կ'աւելանան:

THE ISSUE OF YOUTH LABOR MIGRATION
(EXPERIMENTAL SOCIOLOGICAL RESEARCH)
(SUMMARY)

ANDRANIK SHAHINYAN
shahinyan_90@mail.ru

This article reviews a sociological examination based on qualitative research and analysis on the issue of youth labor migration. The issue under consideration was considered during a study of a sample of young people with a migration trend and related it to gender, age and social status, as part of a scientific study conducted in the Republic of Armenia. Among the experts are specialists of public and state-branch structures. As part of the research of the article, we examined the concepts of "migration" and "development", in particular, in connection with the process of youth development, and emphasized the importance of youth employment issues, which are the cause of foreign labor migration of young people from the RA.

In the framework of the research, we also addressed the negative consequences of labor migration and risks in the process of self-realization of young people as well as issues of choosing a profession and choosing destination countries. We also considered the issues of safe movement, taking into account the advice of experts regarding the structures dealing with this problem.